



Broj: 02-04-3-4505-2/24
Goražde, 22.01.2025 godine

Na osnovu člana 70. stav 1., 3. i 6. Zakona o javnim nabavkama ("Službeni glasnik BiH" br.39/14, 59/22, 50/24) u postupku javne nabavke – konkurentski zahtjev za dostavljanje ponuda za pružanje usluga izrade Idejnih i Glavnih projekata izgradnje/rekonstrukcije saobraćajnica za potrebe Grada Goražda, Gradonačelnik Grada Goražda donosi:

O D L U K U

o poništavanju postupka javne nabavke - Nabavka usluge izrade Idejnog i Glavnog projekta izgradnje pristupnog puta sa magistralnog puta M20 do mosta na Osanici (lot 2)

I

Ovom Odlukom poništava se postupak javne nabavke - Pružanje usluge izrade Idejnog i Glavnog projekta izgradnje pristupnog puta sa magistralnog puta M20 do mosta na Osanici (lot 2).

II

Postupak nabavke se poništava u skladu sa članom 69. stav 2. tačka a. Zakona o javnim nabavkama, obzirom da u određenom krajnjem roku za dostavljanje ponuda nije dostavljena nijedna ponuda.

III

Ova Odluka će se objaviti na web stranici Grada Goražda www.gorazde.ba.

O b r a z l o ž e n j e

Gradonačelnik Grada Goražda je dana 27.12.2024. godine donio Odluku o pokretanju postupka javne nabavke usluga izrade Idejnih i Glavnih projekata za izgradnju/rekonstrukciju saobraćajnica za potrebe Grada Goražde broj 02-04-3-4505/24. Odlukom je određeno da će se predmetna nabavka koja je podjeljena na sljedeće lot-ove:

Lot 1 - Pružanje usluge izrade Idejnog i Glavnog projekta izgradnje pristupne saobraćajnice i parking u ulici Fazlagića sa odvodnjom oborinskih voda i izgradnjom rasvjete;

Lot 2 - Pružanje usluge izrade Idejnog i Glavnog projekta izgradnje pristupnog puta sa magistralnog puta M20 do mosta na Osanici;

Lot 3 - Pružanje usluge izrade Idejnog i Glavnog projekta rekonstrukcije pristupne saobraćajnice prema groblju Kolijevke, provesti putem konkurentskog zahtjeva.

Na osnovu navedene odluke objavljeno je Obavještenje o javnoj nabavci na portalu javnih nabavki dana 30.12.2024. godine, dok je Sažetak obavještenja objavljen u „Službenom glasniku BiH” broj 1/25. Tenderska dokumentacija za ovu nabavku je objavljena takođe na portalu javnih nabavki i istu je preuzelo 16 (šesnaest) zainteresiranih ponuđača.

Kao krajnji rok za dostavljanje ponuda u ovom postupku nabavke je određen 16.01.2025. godine do 12:00 sati.

U određenom krajnjem roku za dostavljanje ponuda nije dostavljena nijedna ponuda. Shodno navedenom Komisija za provođenje postupka javne nabavke usluga izrade Idejnih i Glavnih projekta izgradnje i rekonstrukcije saobraćajnica za potrebe Grada Goražda, je predložila Gradonačelniku Grada Goražda da shodno članu 70. Zakona o javnim nabavkama, donese Odluku o poništenju postupka nabavke za izradu Idejnog i Glavnog projekta izgradnje pristupnog puta sa magistralnog puta M20 do mosta na Osanici (lot 2).

Preporuka Komisije je prihvaćena, pa je shodno članu 69. stav (2) tačka a) Zakona o javnim nabavkama, odlučeno kao u dispozitivu ove Odluke.

POUKA O PRAVNOM LIJEKU: Protiv ove odluke može se izjaviti žalba u roku od 5 dana od dana prijema iste. Žalba se izjavljuje ugovornom organu u pisanoj formi direktno, elektronskim putem ili preporučenom poštanskom pošiljkom, u najmanje tri primjerka.



DOSTAVITI

1. Služba za urbanizam, prostorno uređenje i komunalne poslove
2. Služba za privredu i finansije
3. u spis
4. a/a